

光緒十五年重刊

增訂花柳指迷

羊城博濟醫局藏板

滋日繁而奏帶傳乞之官猥致遠心併行官制肆其剗剗去彼賣關
伍苦之逃絕者多矣清軍御史雖歲差一人因無益也臣竊謂宜整
巡撫都御史總兵官會同三司官員將合防外軍士逐一清查原額
見在之數併老弱逃絕者列具手冊而軍器馬匹亦如之凡沙汰填
及合給銀兩俱各奏聞詳合便宜裁處軍職武舉則試其騎射條舉
經七書百將傳各十事今其直述大凡中選者留任文倖不中者襲
五世許文倖差孫其襲已五世且其任倖再試待試又不中即行革
職襲傳曰君子之澤五世而漸故雖親藩五宗止於五世中尉不得
襲封爵而況於軍官乎如此則將帥各有材能而軍士免于剗削倘
伍絕戶數多則沿京沿邊無預之徒投軍報效者動以萬計兵部以
造報姓名冗費京儲建議欲盡革之此豈策之得已乎宜詔兵部都
院會同五府坐營官清查覈確姓名悉補不邊外有缺伍不足則招
民兵別為編籍與軍士一同差操若有戰功亦一同陞賞亦古時寓
於農之意如此則天下之伉健敢勇者皆得收用勳支軍餉以給之

序

嗟乎託風流之雅會貽日後之隱憂者孰有
如花柳哉當其燈紅酒綠鬢影衣香極良辰
美景之歡寫訪豔尋芳之樂鮮不謂客妻繾
綣足暢閒情外妾姻緣無傷盛德豈料一時
花夢百病叢生藏垢納污貪歡染毒小則疴
生數月戕賊其身大則害及畢生隱傷其命
將見求方速效而旋發瘡瘍更或諱疾忌醫
而漸嗟殘廢縱慾片刻貽禍百年甚至近則

波及蘭房遠則毒傳苗裔每為蒿目輒用棘
心嘉醫士憫其痛苦不忍棄遺溯其致疾
之由推其流毒之自采奇方於海外消惡禍
於人間當南方小住之時考西國獨精之法
殫精竭慮勤繙繹以成書壹志凝神務安詳
而立說湘也相從鈔撮共事網羅編纂既成
刊流用布囑為小序記厥勤功論症則極其
周詳窮原竟委用法則極其精妙達變通權
肘後共仰奇方壺中咸推妙藥將使世登仁

壽彌缺憾於蒼穹豈徒念切痼瘵起沉迷之
素疾補岐黃所未備獨著良規搜盧扁所或
遺不辭互考洵香城之炯鑒亦慾海之慈航
矣茲者功成告退事畢言旋猶復特著是篇
深留厚意語垂勸戒非故悚以危詞喚醒癡
迷冀勿甘於疾疾與其歡貪一刻抱終身殞
命之虞何如悟徹三生免異日噬臍之恨所
願回頭及早勿藥攸占須知過眼終虛空花
何戀用是挽斯民於陷溺醫林共荷鍼砭救

浪子於荒淫地獄不沉香粉謹攄素簡聊表
丹忱

光緒二年中和節莆田林湘東謹序

敘

慨自迎新送舊藏垢納污是最險者莫如狎
妓矣而不謂好淫者安其危利其菑偏執迷
而不悟抑知花柳之樂雖足移情而花柳之
毒實能敗體嘗見因妓貽害者祇貪片刻之
歡娛遂博終身之荼毒樂事反成悲事怡情
轉以傷情甚至近則波及蘭房遠則毒貽苗
裔是豈天作孽乎抑亦自取禍耳迨至屢醫
莫效欲蓋彌彰玷祖辱宗敗名失業而父母


為之瞋怒妻子為之怨恨兄弟為之憎惡朋
友為之恥笑赧顏無地四顧淒然迴思當日
柳眼傳情花言挑引所謂娉婷婀娜者而今
安在哉又況天道禍淫報應尤烈生前肉體
固宜因淫慾而染沉疴死後靈魂更當以淫
惡而墮地獄陽誅陰伐律法難逃動魄驚心
癡迷當醒矣余念切痼瘵不忍坐視故特採
前賢名論譯為花柳指迷一書論症則窮原
竟委務使周詳用法則按部就班特求精妙

庶令久染惡毒者亦不至斂手待斃而已然
要之備嘗艱苦始求脫夫牢籠何如不染淫
邪豫遠離夫陷阱所願同超慾海共出迷途
是則余之所厚望矣昔馬太傳有云見色而
好其心已淫誠能凜此古訓寡慾清心將見
閨房之外不敢二色而内存正氣外絕邪緣
又奚至染花柳惡毒哉

光緒二年歲次丙子仲春上澣美國嘉約翰
識於羊城博濟醫局

此乃楊梅肉粒生於陽物頸時或糞門及婦人陰戶皆有之其數或多或少其形或大或小不等色如荔枝皮時有膿水流出

第一圖




此乃硬疳生於側便胞皮曾經爛過漸愈者

第二圖




此乃在小便頭連過陽物頸胞皮上面之處生疳後來漸漸生闊皮肉變爛此形乃已脫去爛肉漸生肉芽將有痊愈之機者

第三圖




此乃小便嘴生一硬疳微凹瘡之邊欄壁直並非斜下形如蠶豆然亦有形略圓者胞皮所生三粒亦屬硬疳惟其形微凸

第四圖




此乃陽頭皮反胞皮縮上箍緊不能褪下
小便頭生疳處腫起陽具之形甚爲彎曲

第五圖



此小便包頭乃胞皮發炎腫
起裏便生疳有膿流出

第六圖



此乃好人大髀骨外面光潔滑澤中有似海絨質

第七圖



此乃疔毒入長骨格外腫大外面歪扭參差並不端正滑澤也

第八圖




此乃將有疔毒之長骨破開見骨中似海絨質盡變象牙色堅實異常同骨一樣骨枝較常加倍腫大

第九圖



此乃無病者之頭顱骨外面光潔滑澤

第十圖




此乃疔毒入頭骨生膿皮骨皆爛一處或數處數年則漸變腐逐塊脫出形甚參差

第十一圖




此乃左右髀鑿核生魚口

第二十圖



第三十圖



此乃楊梅肉粒生於陽物腎囊大
髀裏及糞門後臀等處內外皮皆
有大小長圓不等形若荔枝皮大
粒者發出膿水頗多

增訂花柳指迷

美國 嘉約翰輯譯

梧城 林應祥筆述

東莞 尹端模叅訂

第一章花柳總論

竊思世人若一夫一婦不敢二色則共篤房幃之好雖白首同諧亦永不生花柳症蓋以夫婦乃由上帝配合所以聖誠內有云毋姦淫又聖經云行淫者害必及其身可見凡在夫婦敦倫之外一切私合皆能生花柳之症此上帝所以刑罰淫邪者也夫疳疔本由花柳而起其毒最易傳染者也而覈其傳染之由

每乘溺管皮薄易爛之處而入、及至三四十日、其毒卽由肉核而發、由是內皮外皮悉染其毒、而患症愈深、若延至半載或載半、則該毒並能入臟入筋入骨、而成為難治之症矣、西醫因其毒由淺而深、卽以此分作三層、誠歷歷可考也、該毒傳染有數端、一由花柳而致、一由嬰兒或飲疔毒之乳而致、一由浣巾煙鎗及盃箸等物沾染而致、一由割症器具、未曾拭清、傳染別人而致、一因手沾該膿、或無意按及自己身上、或無意按及他人身上、其毒均能乘爛處而入、一因種痘、而痘漿或有疔毒、亦能傳染別嬰、是皆宜察及也、

凡宿娼易患之症有三、一硬疳、一軟疳、一白濁、

硬疔與軟疔分別之處約有數端

其瘡腳硬者則

形狀略圓或長如雞卵形

瘡穴深而直

瘡腳至六日則硬

瘡底有灰色膜一層

變魚口者少

大如半邊白豆或大至三四分

其瘡腳軟者則

形略圓而不甚正

生在胞皮嘴及頸際者多

生在小便頭者穴深而直內有灰色之膜

生在胞皮者穴淺而邊爛亦有灰色之膜

瘡腳始終皆軟

生三四粒者多或七八粒不等